

Putardi debata ano Prilep

Ko 15 majo 2008 berš ano Prilep sine ikerdi putardi debata ki tema „**Pošukar šajdipa baši romani khedin ani Komuna Prilep**”. Than lele ani debata 44 participanteja tari komuna, 8 presentoja tare institucie, 17 presentoja tare BRO thaj 3 presentoja tare mediumia). Ane fremia e debatakere, e manuša save so avile sine adžikerde vakeripasa taro Dizakoro šerutno tari Komuna Prilep Marjan Risteski, savo so vakerda bašo mangipe e komunakoro bašo pošukar šartia bašo dživdipe e manušengoro ane romane kupatnja Trizla 1 thaj Trizla 2. O vastarutno e proekteskoro “Dživdipe ani multikluturnikano maškaripe- dizutne jekhe hakojenca, šajdipanca thaj arakhipasa” Sunčica Kostovska-Petrovska harneste kerda prezentacoa baše resarina thaj e aktivipa e proektoskere. Ano ponadarutno thavdipe e debatakoro, vakeripe sine thaj e direktore ki PF bašo thaneskoro thaj urbanistikano planiripe taro Prilep Branko Neškoski, Dejan Gadžovski taro Ministeripa bašo dživdipaskoro maškaripe thaj thaneskoro planiripe ki RM (ko jekh thaj presento ko Nacionalnikano komiteto baše manuškane kupatnja Habitat) thaj Lenče Bajkova, konsiliaro ano sektoro baše khereskere komunikantnikane butja thaj infrastruktura ko Ministeripe bašo transporto thaj relacie ki RM. Ola vakerde baše generalnikane thaj detalnikanane urbanistikane planoja ani diz Prilep, bašo racionalnikano labaripe/koristenje e thaneskoro, legalizacia e bisertifikatengere kerde kherengoro thaj o kotor bašo kheripe tari Dekada baši inkluzia e Romengiri. O Sami Jašaroski taro JU Maškarkomunakoro centro baši socialnikani buti Prilep thaj Lidija Koteska, dženi ko lokalnikano monitoring timo ko proekto dende peskoro dikhipe baše problemoja thaj e trubutnipa e romane khedinakare ano Prilep, sar thaj i rola thaj e dende butja ko lokalnikano monitoringo bašo regiono Prilep. Moderato ki putardiu debata sine o Igor Taseski taro Centro baše dizutnikane iniciative- Prilep.

Ki debata sine diskutirime baše problemoja savenca khuvana pumen e Roma thaj lengiri khedin ani sfera e fundavne thaj maškarutne obligaciakere školakoro, i bilači socialnikani situacia thaj o sicialnikano dendo dumo, e korkorutne parvarutne daja/dada thaj e čhave bzio daja/dada, o bibutjarnipe, labaripe e simengoro saven isi ulavde trubutnipa tari rig e butjarnengiri, romane informativnikane centroja, trubutnipa taro korkorobutjarnipe, sastipaskoro hali thaj olakoro pošukar keripe buti, o tikno keripe buti e Romengoro ane institucie, pošukar infrastruktura ane romane kupatnja ano Prilep, o šukar butja e Dekadakere baši inkluzia e Romengiri 2005-2015, i rola e birajikane sektorskiri ano nakhavipe e halengoro ki romani khedin, sar thaj i rola e konsiliarengiri tari romano etnikano preperipe thaj o trubutnipa taro butikeripe e referenteskoro baše romane pučipa ani komuna.

Rekomendacie tari debata sine te ovel rodime i informacia bašo resipe dži i realizacia ko Akciakoro plano baši romani kupatni Trizla 2 (so si proektirime, a savi nane realizirime) thaj te ovel inicirime o džipheripe e Akciakere planoskoro baši romani kupatni Trizla 2 ani kolaboracia e komunasa.

E phandle lafia tari putardi debata sine dende dži i komuna Prilep sar autorizirime institucia bašo arakhipe solucia ke akala pučipa. E presententonca tari komuna sine phandlo lafi e jekh phandle lafia te del olen ponadari dži adala institucie save si autorizirime baše terminirime pučipa save so na perena telo olakoro domeno.

Dikh putardo lil dži o dizakoro šerutno ki komuna Prilep